

Ўзбекистон Республикаси
Адлия Вазирлиги томонидан
2016 йил « 7 » *Инвар* да
_____ - сон реестр рақами билан

«РЎЙХАТГА ОЛИНГАН»

М.ў



Aksiyadorlik Jamiyati
shaklidagi «ALFA GROUP»
O'zbekiston – Buyuk Britaniya qo'shma korxonasi
aktsiyadorlarining 2015 йил 28 декабрдаги
умумий йиғилиши қарори билан
«ТАСДИҚЛАНГАН»



AKSIYADORLIK JAMIYATI SHAKLIDAGI
«ALFA GROUP»
O'ZBEKISTON – BUYUK BRITANIYA QO'SHMA KORXONASI
U S T A V I
(Янги Тахрир)

Тошкент – 2015 йил

УСТАВ МАЗМУНИ:

1	Умумий қоидалар.....	3
2	Жамиятнинг юридик мақоми, жойлашган ери (почта манзили) ва электрон почта манзили.....	3-4
3	Жамият фаолиятининг мақсади ва асосий йўналишлари.....	4-6
4	Жамият устав фондининг миқдори, уни купайтириш ва камайтириш тартиби...	6-8
5	Жамият акцияларининг турлари, номинал қиймати уларни жойлаштириш тартиби ва шартлари.....	9-10
6	Жамият акциядорларининг ҳуқуқ ва мажбуриятлари.....	10-12
7	Жамият фойдасини, дивидендларни тақсимлаш ва зарарни қоплаш тартиби.....	12-13
8	Жамиятнинг захира фондини ва бошқа фондларни ташкил этиш тартиби.....	13
9	Жамиятни бошқарув органлари.....	13
10	Жамият акциядорларининг умумий йиғилиши.....	13-16
11	Жамият Кузатув кенгаши.....	16-19
12	Жамият Ижроия органи.....	19-21
13	Жамиятнинг молия-хўжалик фаолиятини назорат қилиш.....	21-22
14	Жамиятни қайта ташкил этиш ва тугатиш.....	22-23
15	Уставга ўзгартириш ва қўшимчалар киритиш.....	24

1. УМУМИЙ ҚОИДАЛАР

1.1. **Aksiyadorlik Jamiyati shaklidagi «ALFA GROUP» O'zbekiston – Buyuk Britaniya qo'shma korxonasi** (матн давомида “Жамият” деб номланади) Ўзбекистон Республикаси Адлия Вазирлиги томонидан 2006 йил 27 декабрда 663–сонли реестр рақами билан рўйхатдан ўтказилган булиб, Жамият акциядорларининг 2006 йил 5 июлдаги умумий йиғилиши, ҳамда Жамият Кузатув кенгашининг 2006 йил 9 ноябрдаги 16–сонли баённомаси қарори билан, аввал Ўзбекистон Республикаси Давлат мулки кўмитасининг 1994 йил 7 декабрдаги 734к-ПО–сонли ва 1996 йил 12 январдаги 17к-ПО – сонли Буйруқларига биноан Тошкент шаҳар Сергели туман Хокимининг 1995 йил 28 июндаги 96к – сонли Қарори билан рўйхатга олинган «Quyoshdan himoalash buymlar zavodi» Ochiq Aksiyadorlik Jamiyati ҳамда Тошкент шаҳар Сергели туман Хокимияти томонидан 2006 йил 20 ноябрдаги 06-000198 – сонли реестр рақами билан рўйхатдан ўтказилган «ALFA GROUP» Ochiq aksiyadorlik jamiyati негизида ташкил этилган ва барча ҳуқуқ ва мажбуриятларини узига тўлиқ қабул қилувчиси ҳисобланиб унинг мутлақ вориси ҳисобланади.

1.2. Жамиятнинг ўзбек тилидаги тўлиқ расмий номи:

Aksiyadorlik Jamiyati shaklidagi «ALFA GROUP» O'zbekiston – Buyuk Britaniya qo'shma korxonasi;

Жамиятнинг ўзбек тилидаги қисқартирилган номи:

«ALFA GROUP» AJ QK;

Жамиятнинг рус тилидаги тўлиқ расмий номи:

Узбекско – Великобританское совместное предприятие «ALFA GROUP» в форме Акционерного Общества;

Рус тилидаги қисқартирилган номи:

СП АО «ALFA GROUP»;

Жамиятнинг инглиз тилидаги тўлиқ расмий номи:

«ALFA GROUP» Uzbekistan – Great Britain Joint Venture Joint-Stock Company;

Инглиз тилидаги қисқартирилган номи:

«ALFA GROUP» JV JSC;

2. ЖАМИЯТНИНГ ЮРИДИК МАҚОМИ, ЖОЙЛАШГАН ЕРИ (ПОЧТА МАНЗИЛИ) ВА ЭЛЕКТРОН ПОЧТА МАНЗИЛИ

2.1. Жамият Ўзбекистон Республикаси қонунчилигига асосан юридик шахс ҳисобланади, ўзининг мустақил балансида ҳисобга олинadиган алоҳида мол-мулкига эга бўлади, ўз номидан мулкий ва шахсий номулкий ҳуқуқларни олиши ҳамда амалга ошириши, зиммасига мажбуриятлар олиши, судда даъвогар ва жавобгар бўлиши мумкин.

2.2. Жамият ўз фирма номидан фойдаланишда мутлақ ҳуқуққа эга. Жамият ўзининг фирма номи давлат тилида тўлиқ ёзилган ва тимсоли тасвирланган юмалоқ муҳрига (муҳрда кўшимча равишда фирма номи бошқа исталган тилда ҳам кўрсатилиши мумкин) эга. Жамият ўзининг номи ёзилган штамп ва бланкаларга, ўз тимсолига, шунингдек белгиланган тартибда рўйхатдан ўтказилган товар белгисига, товарларнинг, ишларнинг ва хизматларнинг хусусий аломатларини акс эттирувчи бошқа воситаларга эга бўлишга ҳақли.

2.3. Жамият ўз фаолиятида Ўзбекистон Республикасининг амалдаги қонун ҳужжатлари ва мазкур Устав талабларига амал қилади.

2.4. Жамият акциядор ёки хар қандай манфаатдор шахснинг талабига биноан уставда белгиланган муддатларда уларга Жамият устави, шу жумладан, унга доир ўзгартишлар ва

кўшимчалар билан танишиб чиқиш имкониятини бериши шарт. Жамият акциядорнинг талабига биноан Жамиятнинг амалдаги Уставидан нусха олиб бериши шарт.

2.5. Акциядорлар Жамиятнинг мажбуриятлари юзасидан жавобгар бўлмайдилар ва унинг фаолияти билан боғлиқ зиёнларни ўзларига тегишли акциялар қиймати доирасида коплаш хатарини ўз зиммасига оладилар.

2.6. Акциялар ҳақининг ҳаммасини тўламаган акциядорлар Жамият мажбуриятлари юзасидан ўзларига тегишли акциялар қийматининг тўланмаган қисми доирасида солидар жавобгар бўладилар.

2.7. Жамият ўз акциядорларининг мажбуриятлари юзасидан жавобгар бўлмайди.

2.8. Давлат ва унинг органлари Жамият ўз зиммасига олган мажбуриятлар юзасидан жавобгар бўлмайдилар, худди шунингдек Жамият ҳам давлат ва унинг органлари олган мажбуриятлар юзасидан жавобгар бўлмайди.

2.9. Жамиятнинг мол-мулки унга мулк ҳуқуқи асосида тегишли бўлиб, Жамият акцияларини жойлаштиришдан тушган маблағлар, асосий фондлар ва айланма маблағлар, кўчар ва кўчмас мулклар, қимматли қоғозлар, олинган даромад, қонун ҳужжатлари билан тақиқланмаган бошқа асосларда олинган бошқа мол-мулклардан ташкил топади.

2.10. Жамият қонун ҳужжатларида ўрнатилган тартибда рўйхатдан ўтган юридик шахс ҳуқуқини олган шубҳа ва тобе хўжалик Жамиятларига эга бўлиши мумкин.

2.11. Жамият ўрнатилган тартибда Ўзбекистон Республикаси ҳудудида филиаллар ташкил этиши ҳамда уларга қонун ҳужжатлари ва Жамият Уставида белгиланган доирада ва тартибда ваколатлар бериши мумкин.

2.12. Жамият Ўзбекистон Республикасидан ташқарида янги шубҳа корхоналар, филиаллар ташкил этиши ва ваколатхоналар очиши ҳамда уларга қонун ҳужжатлари ва Жамият Уставида белгиланган доирада ва тартибда ваколатлар бериши мумкин. Агар Ўзбекистон Республикаси халқаро шартномасида бошқача қоида белгиланмаган бўлса, Жамият томонидан Ўзбекистон Республикасидан ташқарида шубҳа корхоналар, филиаллар ташкил этилиши ва ваколатхоналар очилиши, ушбу шубҳа корхона, филиал ва ваколатхона жойлашган мамлакат қонунчилигига мувофиқ амалга оширилади.

2.13. Жамият филиал ва ваколатхоналарини мол-мулк билан таъминлайди.

2.14. Жамиятнинг филиаллари ва ваколатхоналари юридик шахс ҳисобланмайди, Жамиятнинг Кузатув кенгаши тасдиқлаган низомлар асосида иш кўради. Филиалнинг ёки ваколатхонанинг раҳбари Жамият томонидан тайинланади ва Жамият томонидан берилган ишончнома асосида иш юритади.

2.15. Жамият ўзининг юридик манзилдан ташқари Ўзбекистон Республикаси ҳудудида асосий фаолиятни амалга оширмайдиган маъмурий идораларини ташкил этишга ҳақли.

2.16. Жамият корхоналар, ташкилотлар ва бошқа тижорат тузилмаларини ташкил этишда ва уларнинг хўжалик фаолиятида, шу жумладан холдинг асосида ҳам ўз маблағлари билан, шу жумладан улуш кўшиш асосида қатнашиш ҳуқуқига эга.

2.17. Жамият ўз фаолиятини мувофиқлаштириш, ўз манфаатларини ифода этиш ва химоя қилиш ҳамда биргаликдаги дастурларни амалга ошириш мақсадида уюшмалар (иттифоқлар) ва ўзга бирлашмаларда қатнашиши мумкин.

2.18. Жамият, тижорат операцияларини амалга оширишга доир қарорлар қабул қилишда мустақилдир.

2.19. Жамият фаолият кўрсатиш муддати чекланмаган муддатга тузилган.

2.20. Жамиятнинг жойлашган ери (почта манзили): Ўзбекистон Республикаси, 100209, Тошкент шаҳри, Сирғали тумани, Сирғали – 3 даҳаси, Сўғдиёна кўчаси, 3 уй.

2.21. Жамиятнинг электрон почта манзили: sp_alfagroup@mail.ru

3. ЖАМИЯТ ФАОЛИЯТИНИНГ МАҚСАДИ ВА АСОСИЙ ЙЎНАЛИШЛАРИ

3.1. Жамият ўз фаолиятини тижорат асосида амалга оширади ва Жамият фаолиятининг асосий мақсади фойда олишдир.

3.2. Жамиятнинг асосий фаолият доираси, халқ хўжалиги ва аҳолини халқ истеъмол молларига, ишлаб чиқариш махсулотларига ва турли фаолият соҳаларида хизматларга эҳтиёжларини қондириш ҳисобланади.

3.3. Жамият фаолиятининг асосий йўналишлари қўйидагилар ҳисобланади:

- ❖ ПВХ (поливинил хлорид) хом-ашёсидан профиллар ишлаб чиқариш;
- ❖ турли хил дарахт турларидан паркет тахтасини ишлаб чиқариш ва сотиш;
- ❖ тахта ва ПВХ (поливинилхлорид) хом ашёсидан ишлаб чиқарилган профеллардан эшик ва ойна (ром) блокларини ишлаб чиқариш, ички ва ташқи бозорда сотиш, монтаж қилиш;
- ❖ пахта толасини чуқур қайта ишлаш, калава, газлама тайёрлаш;
- ❖ трикотаж ва тўқув буюмларини экспорт ва ички бозор учун ишлаб чиқариш;
- ❖ ип йигирув ишлаб чиқаришни ташкил этиш ва ишга тушириш, ип ва жун йигирилган ипини тайёрлаш, уни Ўзбекистон Республикасида ва чет элда сотиш;
- ❖ ип ва жуннинг йигирилган ипининг турли хилларини тайёрлаш ва сотиш;
- ❖ профил, пластика ва тахта махсулотлари ва қурилиш тузилишларни ишлаб чиқариш ва сотиш;
- ❖ профил ҳамда пластик эшик ва ойна (ром) блоклари учун герметик ишлаб чиқариш ва сотиш;
- ❖ улгуржи ва чакана савдо;
- ❖ улгуржи, тижорат, озиқ-овқат, унверсал дўконларини ва супермаркетлар хусусий тармоғини тузиш;
- ❖ халқ истеъмол моллари ва техник ишлаб чиқариш йўналишидаги махсулотларни ишлаб чиқариш ва сотиш;
- ❖ умумий овқатланиш шаҳобчалари хусусий тармоқларини очиш;
- ❖ озиқ – овқат махсулотларини ишлаб чиқариш, сотиб олиш ва сотиш;
- ❖ маҳаллий ва халқаро юк ва йўловчилар автотранспорт ташувини ташкил этиш;
- ❖ автотранспорт воситаларини таъмирлаш ва сервис хизматлар кўрсатишни ташкил этиш;
- ❖ автотранспорт востиларини ювиш тармоқларини очиш;
- ❖ қурилиш таъмирлаш ишлари, қурилиш, сантехника ва авария хизматларини бажариш, бино ва хоналар дизайни, ишлаб чиқариш ва савдо хоналарини, бинолар ва турар жой уйлари обдон таъмирлаш;
- ❖ қурилиш материаллари, хом-ашё, техника ва асбоб-ускуналарни ишлаб чиқариш, тайёрлаш ва сотиш;
- ❖ электрмонтаж, монтаж ва ишга тушириш ишларини ташкил этиш, ишлаб чиқариш тармоқларига техник хизмат кўрсатиш;
- ❖ безаш, монтаж ва том ёпиш ишлари;
- ❖ лойиха-смета ҳужжатларини ишлаб чиқариш;
- ❖ маиший ва соаноат музлаткичлари ва кондиционерларни сотиб олиш, уларни сотиш, таъмирлаш ҳамда техник хизмат кўрсатиш;
- ❖ иккиламчи ресурсларни ва ишлаб чиқариш чиқиндиларини йиғиш, қайта ишлаш, тайёрлаш ва сотиш;
- ❖ аҳолига маиший хизматларни барча турларини кўрсатиш;
- ❖ ҳужжатларни кўпайтириш, нусха кўчириш ва таржима қилиш бўйича хизматлар;
- ❖ матбаа хизматлари;
- ❖ корхоналар, ташкилотлар ва жисмоний шахсларга дистрибьютерлик, дилерлик, агентлик, вакиллик, инжинеринг ва маслахатчилик хизматларини кўрсатиш, маркетинг изланишларини ўтказиш;
- ❖ ахборот базалари ва маълумотлари банкларини яратиш;
- ❖ реклама фаолияти, кургазмаларда иштирок этиш, мижозлар буюртмаси бўйича реклама махсулотларини ишлаб чиқариш;
- ❖ илмий изланиш, лойиха-конструкторлик ва тажриба ишларини ўтказиш;
- ❖ маҳаллий ва хорижий хом ашёдан, шунингдек полипропилен ва полиэтилендан, канцелярия махсулотларини, шу жумладан полипропилен файл ва ручкалар ишлаб чиқариш

ва сотиш;

❖ ўз номидан ва учинчи шахслар номидан қимматли қоғозларнинг биржа бозорида ва уюшган биржадан ташқари бозорида қимматли қоғозлар билан операцияларни амалга ошириш;

❖ қимматли қоғозлар биржа бозорини ўрганиш хизматлари;

❖ ахборот ва реклама хизматлари;

❖ товар ва қимматли қоғозларнинг биржа бозорида воситачи, даллол хизматини кўрсатиш;

❖ халқ истеъмол молларини ишлаб чиқариш ва сотиш;

❖ жамоат овқатланиш жойларини (кафеларни, барларни, ресторанларни ва хоказоларни) ташкил қилиш;

❖ кўчар ва кўчмас мулкни ижарага олиш ва ижарага бериш;

❖ хом ашё ресурсларини қайта ишлашда ресурсларни исроф қилмаслик технологияларини ишлаб чиқиш ва амалга киритиш;

❖ иккиламчи хом ашёни, саноат чиқиндиларини, конденсат бўлмаган махсулотларни ва ашёларни тайёрлаш, қайта ишлаш ва сотиш;

❖ туризмни, шу қаторда халқаро туризмни ташкил қилиш ва ривожлантириш;

❖ транспорт ва транспорт экспедиция хизматларни кўрсатиш, божхона агенти, божхона юк ташувчиси сифатидаги ишларни (хизматларини) кўрсатиш;

❖ савдо кўргазмаларини, ким ошди савдоларини; пул - ашёли лотереяларни, саноат-тижорат, маданий, спорт, йиғинларини, шу жумладан бадий асарларни, эсдалик анжомларини, лотерея патталарини сотишни ташкил қилиш ва ўтқизиш;

❖ пудрат, етказиб бериш, ижара, қарз, фьючерс, комиссия, сақлаш, ваколат бериш ва бошқа Ўзбекистон Республикасининг амалдаги қонунчилигига зид бўлмаган келишувлар ва шартномалар бўйича саноат, техник, комисион, траст, лизинг, мухандислик, хизмат ва ташкилий хизматларни (ишларни) бажариш;

❖ ўрнатилган тартиб бўйича ташқи - иқтисодий фаолиятини амалга ошириш.

3.4. Жамият Ўзбекистон Республикасининг амалдаги қонунчилигида тақиқланмаган бошқа фаолият турларини ҳам амалга оширишга ҳақлидир.

3.5. Махсус рухсатнома (лицензия) олишни талаб қиладиган фаолият турлари Жамият шундай лицензия олинганидан кейин амалга оширилади.

4. ЖАМИЯТ УСТАВ ФОНДИНИНГ МИҚДОРИ, УНИ КУПАЙТИРИШ ВА КАМАЙТИРИШ ТАРТИБИ

4.1. Жамиятнинг устав фонди акциядорлар олган Жамият акцияларининг номинал қийматидан ташкил топади ва Ўзбекистон Республикасининг миллий валютасида ифодаланади.

4.2. Жамиятнинг устав фонди унинг мол – мулкнинг ўз кредиторлари манфаатларини кафолатлайдиган даражадаги энг кам миқдорини белгилайди.

4.3. Жамиятнинг Устав фонди 10 600 000 000 (ўн миллиард олти юз миллион) сўмни ташкил этади, ва ушбу сумма Жамият Устав фондига киритилган хорижий валюта ва пул бадалларини, бадал киритилган вақтдаги Ўзбекистон Республикаси Марказий банкининг курсини эътиборга олганда 6 744 535 (олти миллион етти юз қирик тўрт минг беш юз ўттиз беш) АҚШ доллари 36 центга тенгдир.

4.4. Жамият устав фондининг 161 290 (бир юз олтмиш бир минг икки юз тўқсон) АҚШ доллари қисмининг миллий валютадаги миқдори Ўзбекистон Республикаси Марказий банкининг 2006 йил 26 декабр кунига белгилаган расмий курси бўйича 1 АҚШ долларининг қиймати 1240 сўм 00 тийинга, Устав фондининг 632 401 (олти юз ўттиз икки минг тўрт юз бир) АҚШ доллари 06 цент қисмининг миллий валютадаги миқдори Ўзбекистон Республикаси Марказий банкининг 2007 йил 16 июл кунига белгилаган расмий курси бўйича 1 АҚШ долларининг қиймати 1266 сўм 05 тийин, Устав фондининг 839 681 (саккиз юз ўттиз тўққиз минг олти юз саксон бир) АҚШ доллари 84 цент қисмининг миллий валютадаги миқдори Ўзбекистон Республикаси Марказий банкининг 2008 йил 08 июл кунига белгилаган

расмий курси бўйича 1 АҚШ долларининг қиймати 1311 сўм 96 тийин, Устав фондининг 1 258 352 (бир миллион икки юз эллик саккиз минг уч юз эллик икки) АҚШ доллари 31 цент қисмининг миллий валютадаги миқдори Ўзбекистон Республикаси Марказий банкининг 2010 йил 21 июн кунига белгиланган расмий курси бўйича 1 АҚШ долларининг қиймати 1589 сўм 38 тийин, Устав фондининг 3 017 155 (уч миллион ўн етти минг бир юз эллик беш) АҚШ доллари 55 цент қисмининг миллий валютадаги миқдори Ўзбекистон Республикаси Марказий банкининг 2011 йил 08 феврал кунига белгиланган расмий курси бўйича 1 АҚШ долларининг қиймати 1657 сўм 19 тийин, Устав фондининг қолган 835 654 (саккиз юз ўттиз беш минг олти юз эллик тўрт) АҚШ доллари 60 цент қисмининг миллий валютадаги миқдори Ўзбекистон Республикаси Марказий банкининг 2011 йил 27 декабр кунига белгиланган расмий курси бўйича 1 АҚШ долларининг қиймати 1795 сўмга тенг бўлган вақтда белгиланган.

4.5. Жамият Устав фонди акциядорлар ўртасида қуйидагича тақсимланган:

❖ Буюк Британия давлатининг «WAYREX» Компанияси – 99,4536604%, 10 542 088 000 (ўн миллиард беш юз қирқ икки миллион саксон саккиз минг) сўм ёки 6 699 556 (олти миллион олти юз тўқсон тўққиз минг беш юз эллик олти) АҚШ доллар 79 цент, 10 542 088 (ўн миллион беш юз қирқ икки минг саксон саккиз) дона эгасининг номи ёзилган оддий акциялардан иборат.

❖ Ўзбекистон Республикаси резиденти бўлган акциядорлар – 0,5463396%, 57 912 000 (эллик етти миллион тўққиз юз ўн икки минг) сўм ёки 44 978 (қирқ тўрт минг тўққиз юз етмиш саккиз) АҚШ доллар 57 цент, 57 912 дона эгасининг номи ёзилган оддий акциялардан иборат.

а) Жамиятнинг Устав фондини кўпайтириш

4.6. Жамиятнинг Устав фонди акциялар номинал қийматини ошириш ёки қўшимча акцияларни жойлаштириш йўли билан кўпайтирилиши мумкин.

4.7. Жамиятнинг Устав фондини акциялар номинал қийматини ошириш йўли билан кўпайтириш ва Жамият уставига тегишли ўзгартишлар киритиш тўғрисидаги қарор жамиятнинг Кузатув Кенгаши қабул қилади.

4.8. Жамият Устав фондини акциялар номинал қийматини ошириш йўли билан кўпайтириш фақат Жамиятнинг ўз капиталини капитализация қилиш ҳисобига амалга оширилади.

4.9. Қўшимча акциялар Жамият томонидан Жамият уставига белгиланган эълон қилинган акциялар сони доирасидагина жойлаштирилиши мумкин.

4.10. Жамиятнинг устав фондини қўшимча акцияларни жойлаштириш йўли билан кўпайтириш ва Жамият уставига тегишли ўзгартишлар киритиш ҳақидаги қарорлар Жамият Кузатув кенгаши томонидан қабул қилинади.

4.11. Жамиятнинг устав фондини қўшимча акцияларни жойлаштириш йўли билан кўпайтириш Жамиятнинг ўз капиталини капиталлаштириш ҳисобига амалга оширилиши мумкин.

4.12. Жамиятнинг устав фондини унинг ўз капитали ҳисобидан қўшимча акцияларни жойлаштириш йўли билан кўпайтиришда бу акциялар барча акциядорлар ўртасида тақсимланади. Бунда ҳар бир акциядорга қайси турдаги акциялар тегишли бўлса, айна ўша турдаги акциялар унга тегишли акциялар сонига муносиб равишда тақсимланади. Жамиятнинг устав фонди кўпайтирилиши натижасида кўпайтириш суммасининг битта акциянинг номинал қийматига мувофиқлиги таъминланмайдиган бўлса, Жамият устав фондини кўпайтиришга йўл қўйилмайди.

4.13. Жамиятнинг устав фондини қўшимча акцияларни жойлаштириш йўли билан кўпайтириш тўғрисидаги қарорда жойлаштирилладиган қўшимча оддий акцияларнинг сони, уларни жойлаштириш муддатлари ва шартлари белгиланган бўлиши керак.

4.14. Жамиятнинг устав фондини қўшимча акцияларни жойлаштириш йўли билан кўпайтириш жойлаштирилган қўшимча акцияларнинг номинал қиймати миқдоридан рўйхатдан ўтказилади. Бунда Жамият уставига кўрсатилган эълон қилинган муайян турдаги

акцияларнинг сони ушбу турдаги жойлаштирилган қўшимча акцияларнинг сонига қисқартирилиши керак.

4.15. Жамиятнинг устав фондини қўшимча акцияларни жойлаштириш йўли билан кўпайтириш жалб қилинган инвестициялар, Жамиятнинг ўз капитали ва ҳисобланган дивидендлар ҳисобидан қонун ҳужжатларида белгиланган тартибда амалга оширилиши мумкин.

4.16. Жамият устав фондини кўпайтириш мақсадида жойлаштирилган акцияларига қўшимча равишда чиқаришга ҳақли бўлган эълон қилинган акцияларнинг миқдори, номинал қиймати 1 000 (бир минг) сўмлик 40 000 000 (қирқ миллион) дона эгасининг номи ёзилган оддий акциялардан иборат.

4.17. Эълон қилинган акцияларнинг 40 000 000 (қирқ миллион) донаси Жамият акциядори "WAYREX LLP" Компаниясига ёпиқ обуна орқали жойлаштирилади.

б) Жамиятнинг Устав фондини камайтириш

4.18. Жамиятнинг устав фонди акцияларнинг номинал қийматини камайтириш ёки акцияларнинг умумий сонини қисқартириш йўли билан, шу жумладан акцияларнинг бир қисмини кейинчалик бекор қилган ҳолда Жамият томонидан акцияларни олиш йўли билан камайтирилиши мумкин.

4.19. Жамиятнинг устав фондини акцияларнинг бир қисмини олиш ва бекор қилиш йўли билан камайтиришга йўл қўйилади.

4.20. Жамият устав фондини камайтиришга, агар бунинг натижасида унинг миқдори Жамият устав фондининг Жамият уставидаги тегишли ўзгартишларни давлат рўйхатидан ўтказиш санасида аниқланадиган энг кам миқдоридан камайиб кетса, ҳақли эмас.

4.21. Устав фондини камайтириш ва Жамият Уставига тегишли ўзгартишлар киритиш ҳақидаги қарорлар Акциядорларнинг умумий йиғилиши томонидан қабул қилинади.

4.22. Устав фондини камайтириш тўғрисида қарор қабул қилган вақтда акциядорларнинг умумий йиғилиши устав фондини камайтириш сабабларини кўрсатади ва уни камайтириш тартибини белгилайди.

4.23. Устав фондини камайтириш вақтида жамият тугатилганида назарда тутилмаган акциядорларнинг манфаатларини ҳимоя қилиш шартларига риоя этилиши зарур.

4.24. Жамият ўзи жойлаштирган акцияларни акциядорлар умумий йиғилишининг жойлаштирилган акцияларнинг бир қисмини олиш ва ушбу акцияларнинг умумий сонини камайтириш йўли билан Жамият устав фондини камайтириш тўғрисидаги қарорига кўра, шунингдек уларни кейинчалик белгиланган тартибда қайта сотиш мақсадида Жамият Кузатув кенгашининг қарорига кўра олишга ҳақли.

4.25. Акцияларни сотиб олиш тўғрисидаги қарорда сотиб олинмаган акцияларнинг турлари, Жамият сотиб оладиган ҳар бир турдаги акциянинг сони, сотиб олиш нархи, акциялар ҳақини тўлаш шакли ва муддати белгилаб қўйилиши лозим.

4.26. Жамият акцияларини сотиб олиш вақтида уларга пул билан ҳақ тўланад.

4.27. Жамият томонидан оддий акцияларни сотиб олиш нархи бозор баҳосига мувофиқ белгиланади.

4.28. Жамият тасарруфига ўтган акциялар овоз бериш ҳуқуқини бермайди, овозларни санаб чиқишда ҳисобга олинмайди, улар бўйича дивидендлар ҳисоблаб чиқарилмайди.

4.29. Кейинчалик қайта сотиш мақсадида Жамият тасарруфига ўтган акциялар улар Жамият тасарруфига ўтган пайдан эътиборан бир йилдан кечиктирмай реализация қилиниши керак, ақс ҳолда акциядорларнинг умумий йиғилиши Жамиятнинг устав фондини камайтириш тўғрисида қарор қабул қилиши лозим. Кўрсатилган муддатда реализация қилинмаган акциялар бекор қилиниши керак.

4.30. Устав фондини камайтириш тўғрисида қарор қабул қилинганидан бошлаб Жамият кечи билан 30 кун ичида бу қарор хусусида ўз кредиторларини ёзма равишда хабардор қилади. Кредиторлар Жамиятнинг Устав фондини камайтириш тўғрисида ўзларига хабарнома юборилган санадан эътиборан кечи билан 30 кун ичида Жамиятдан ўз мажбуриятларини муддатидан олдин ижро этишни ва Устав фондини камайтирилиши билан боғлиқ зарарни тўлашни талаб қилишга ҳақли.

5. ЖАМИЯТ АКЦИЯЛАРИНИНГ ТУРЛАРИ, НОМИНАЛ ҚИЙМАТИ УЛАРНИ ЖОЙЛАШТИРИШ ТАРТИБИ ВА ШАРТЛАРИ

5.1. Жамият акциялари эгасининг номи ёзилган эмиссиявий қимматли қоғозлар бўлиб, улар турига кўра оддий акциялардир.

5.2. Акция бўлинмасдир. Агар акция умумий мулк ҳуқуқи асосида бир нечта шахсга тегишли бўлса, бу шахсларнинг барчаси бир акциядор деб эътироф этилади ва акция билан тасдиқланган ҳуқуқлардан ўзларининг умумий вакили орқали фойдаланади.

5.3. Бир турдаги акция унга эгалик қилувчи ҳар бир акциядорга шу турдаги акцияларнинг бошқа эгалари билан бир хил бўлган ҳажмдаги ҳуқуқларни беради.

5.4. Оддий акцияларни корпоратив облигацияларга ва бошқа қимматли қоғозларга айирбошлашга йўл қўйилмайди.

5.5. Акциялар мулк ҳуқуқи ёки бошқа ашёвий ҳуқуқ асосида қайси юридик ёки жисмоний шахсга тегишли бўлса, ўша юридик ёхуд жисмоний шахс акциянинг эгаси — акциядор деб эътироф этилади.

5.6. Оддий акциялар овоз берувчи акциялар бўлиб, улар ўз эгасига дивидендлар олиш, Жамиятни бошқаришда иштирок этиш ҳуқуқини беради.

5.7. Акциянинг эгаси бўлган акциядорга овозга қўйилган масалани ҳал этишда овоз бериш ҳуқуқини берадиган оддий акция Жамиятнинг овоз берувчи акциясидир.

5.8. Жамият акцияларининг номинал қиймати 1 000 (бир минг) сўм.

5.9. Жамият акцияларни ва акцияларга айирбошланадиган қимматли қоғозларни очик ва ёпиқ обуна воситасида жойлаштиришга ҳақли.

5.10. Жамият томонидан қўшимча акцияларни ва бошқа эмиссиявий қимматли қоғозларини жойлаштириш муддати уларнинг чиқарилиши давлат рўйхатидан ўтказилган пайдан эътиборан бир йилдан ошмаслиги керак.

5.11. Акцияларнинг очик обунаси фақат қимматли қоғозларнинг биржа бозорида ва уюшган биржадан ташқари бозорида ўтказилади.

5.12. Акцияларни жойлаштириш, шу жумладан акциядорлар ўртасида жойлаштириш тўғрисида қарор қабул қилишда акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархи Жамият Кузатув кенгаши томонидан қимматли қоғозлар савдоси ташкилотчиларининг савдо майдончаларида вужудга келаётган нархлар конъюнктурасидан келиб чиққан ҳолда белгиланади.

5.13. Жамиятнинг қўшимча акцияларини ва бошқа қимматли қоғозларини жойлаштириш чоғида уларга ҳақ тўлаш уларни чиқариш тўғрисидаги қарорда белгиланганидан кам бўлмаган нарх бўйича амалга оширилади.

5.14. Жамиятнинг устав фонди кўпайтириляётганда Жамиятнинг қўшимча акцияларига унинг ўз капитали ҳисобидан, шунингдек ҳақини қўшимча акциялар билан тўлаш тўғрисида қарор қабул қилинган дивидендлар ҳисобидан ҳақ тўланган тақдирда, бундай акцияларни жойлаштириш Жамия акцияларининг номинал қиймати бўйича амалга оширилади.

5.15. Жамиятнинг акцияларини ва бошқа қимматли қоғозларини жойлаштириш чоғида уларга ҳақ тўлаш пул ва бошқа тўлов воситалари, мол-мулк, шунингдек пулда ифодаланадиган баҳога эга бўлган ҳуқуқлар (шу жумладан мулкӣ ҳуқуқлар) орқали амалга оширилади. Қўшимча акциялар ва бошқа қимматли қоғозларга ҳақ тўлаш шакли ва тартиби, Жамиятнинг ваколатли бошқарув органи томонидан тасдиқланган акцияларни чиқариш тўғрисидаги қарорда белгилаб қўйилади.

5.16. Жамиятнинг қўшимча акцияларига ушбу акцияларни чиқариш тўғрисидаги қарорда кўрсатилган жойлаштириш муддати ичида ҳақ тўланиши лозим.

5.17. Жамиятнинг акциялари уларнинг ҳақи тўлиқ тўланганидан кейин унинг эгасига берилади.

5.18. Акциянинг ҳақи тўлиқ тўлангунга ва унинг янги эгаси акциядорлар реестрида рўйхатга олингунга қадар акция овоз ҳуқуқини бермайди.

5.19. Акциядорлар умумий йиғилишининг қарорига мувофиқ Жамият жойлаштирилган акцияларни йириклаштиришга ҳақли бўлиб, бунинг натижасида Жамиятнинг икки ёки ундан ортиқ акцияси худди шу турдаги битта янги акцияга айирбошланади. Бунда Жамият уставига унинг жойлаштирилган акцияларининг номинал қийматига ва сонига тааллуқли тегишли ўзгаришлар киритилади.

5.20. Акциядорлар умумий йиғилишининг қарорига кўра Жамият жойлаштирилган акцияларни майдалашни амалга оширишга ҳақли бўлиб, бунинг натижасида Жамиятнинг бир акцияси худди шу турдаги икки ёки ундан ортиқ акцияга айирбошланади. Бунда Жамият уставига Жамиятнинг жойлаштирилган акцияларининг номинал қийматига ва сонига тааллуқли тегишли ўзгаришлар киритилади.

5.21. Жамият ўзи чиқарган акциялар бўйича уларни қайтариб сотиб олиш шarti билан битимлар тузишга, шунингдек ўзи чиқарган акцияларни ишончли бошқарувга беришга ҳақли эмас.

5.22. Акцияларни жойлаштириш куйидаги усулларда амалга оширилиши мумкин:

а) Жамият ва олувчи ўртасида тегишли шартномаси тузилганда обуна қилиш. Бунда, акциядорлар ўзининг ҳисобланган, лекин олинмаган дивидендларини Жамиятнинг кўшимча чиқарилган акцияларини олишда фойдаланишига ҳақлидир;

б) Жамиятнинг устав фонди ўз капиталини капиталлаштириш ҳисобидан тўланадиган кўшимча акциялар чиқарилиши орқали оширилганда акцияларни акциядорлар ўртасида тақсимлаш. Бунда, акцияларни Жамиятнинг акциядорлари ўртасида жойлаштириш Жамият акциядорлари умумий йиғилишининг ўз капиталини капиталлаштирилиш тўғрисидаги қарори асосида ҳеч қандай шартномалар тузилмаган ҳолда амалга оширилади. Акцияларни акциядорлар ўртасида тақсимлаш акциялар чиқарилиши тўғрисидаги қарорда кўрсатилган кундаги реестр маълумотлари бўйича амалга оширилади;

в) биржа бозорида ва уюшган биржадан ташқари бозорларда тегишли фуқаролик ҳуқуқий битимлар тузиш;

г) уларга айирбошлашда:

➤ конун ҳужжатлари ва мазкур Уставга мувофиқ аввал чиқарилган айирбошланаётган қимматли қоғозларни;

➤ паст номинал қийматига эга аввал чиқарилган акцияларни (акциялар номинал қийматини ошириш йўли билан акцияларни йириклаштириш ёки устав капитали кўпайтирилганда);

➤ юқори номинал қийматига эга аввал чиқарилган акцияларни (акциялар номинал қийматини камайтириш йўли билан акциялар майдаланганда ёки устав капитали камайтирилганда);

➤ кўшиб юбориш, бирлаштириш, бўлиш, ажратиб чиқариш орқали қайта ташкил этилаётган юридик шахсларнинг қимматли қоғозларини.

5.23. Акцияларни айирбошлаш қимматли қоғозлар чиқарилиши давлат рўйхатидан ўтказилган кундан бошлаб 15 календар кунидан кечиктирмасдан амалга оширилади.

Қимматли қоғозларни айирбошлаш орқали жойлаштирилганда бирор-бир шартнома тузилиши талаб этилмайди.

5.24. Жамият акциядорларининг сони чегараланмаган.

5.25. Жамият ўзи жойлаштирган қимматли қоғозлар эркин айирбошланиши мумкин бўлган акциялар берадиган ҳуқуқларни чеклаш ҳақида ушбу қимматли қоғозлар эгаларининг розилигисиз қарор қабул қилишга ҳақли эмас.

6. ЖАМИЯТ АКЦИЯДОРЛАРИНИНГ ҲУҚУҚ ВА МАЖБУРИЯТЛАРИ

6.1. Жамият акциядорларининг ҳуқуқлари куйидагилардан иборат:

❖ Жамиятнинг акциядорлари реестрига киритилиш;

❖ ўзига таълуқли депо ҳисобварағидан кўчирма олиш;

❖ Жамият фойдасининг бир қисмини дивидендлар тарзида олиш;

❖ Жамият тугатилган тақдирда ўзларига тегишли улушга мувофиқ мол-мулкнинг бир қисмини олиш;

❖ акциядорларнинг умумий йиғилишларида овоз бериш орқали Жамиятни бошқаришда иштирок этиш;

❖ Жамиятнинг молия-хўжалик фаолияти натижалари тўғрисида тўлиқ ва ишончли ахборотни белгиланган тартибда олиш;

❖ олган дивидендини эркин тасарруф этиш;

❖ қимматли қоғозлар бозорини тартибга солиш бўйича ваколатли давлат органида, шунингдек судда ўз ҳуқуқларини ҳимоя қилиш;

❖ ўзига етказилган зарарнинг ўрни қопланишини белгиланган тартибда талаб қилиш;

❖ ўз манфаатларини ифодалаш ва ҳимоя қилиш мақсадида уюшмаларга ва бошқа нодавлат нотижорат ташкилотларига бирлашиш;

❖ қимматли қоғозларни олишда зарар кўриш, шу жумладан бой берилган фойда эҳтимоли билан боғлиқ таваккалчиликларни суғурта қилиш;

❖ ўзга акциядорларнинг розилигисиз ўзига тегишли акцияларни бошқа шахсларга бегоналаштириш билан боғлиқ битимларни амалга ошириш;

❖ Жамият акциялари берадиган ҳуқуқларни (ҳуқуқларнинг бир қисмини) қонунчиликда белгиланган тартибда ишончнома асосида ўз вакилига (вакилларига) бериш ҳуқуқига эга.

6.2. Акциядорлар мазкур Уставда ва қонунчиликда назарда тутилган бошқа ҳуқуқларга ҳам эга бўладилар.

6.3. Акциядор томонидан ҳуқуқларнинг амалга оширилиши бошқа акциядорларнинг ҳуқуқлари ва қонун билан қўриқланадиган манфаатларини бузмаслиги лозим.

6.4. Жамиятнинг ҳар бир оддий акцияси унинг эгаси бўлмиш акциядорга бир хил ҳажмда ҳуқуқлар беради.

6.5. Оддий акцияларнинг эгалари бўлмиш акциядорлар ушбу уставга мувофиқ акциядорлар умумий йиғилишида мазкур йиғилиш ваколатига кирадиган барча масалалар бўйича овоз бериш ҳуқуқи билан иштирок этиши мумкин.

6.6. Акцияларга бўлган ҳуқуқлар акцияларни олувчига унинг депо ҳисобварағига тегишли кириш ёзуви белгиланган тартибда киритилган пайтдан эътиборан ўтади ва қонун ҳужжатларида белгиланган тартибда инвестиция воситачи томонидан бериладиган депо ҳисобварағидан кўчирма билан тасдиқланади.

6.7. Акция билан тасдиқланадиган ҳуқуқлар уларнинг олувчисига ушбу қимматли қоғозга бўлган ҳуқуқлар ўтган пайтдан эътиборан ўтади.

6.8. Овоз берувчи акцияларнинг эгалари бўлган акциядорлар:

– Жамиятни қайта ташкил этиш тўғрисида;

– жойлаштирилган акцияларни йириклаштириш ҳақида;

– йирик битим тузиш масаласи бўйича акциядорларнинг умумий йиғилиши ҳал қилиши учун олиб чиқилганда;

– Жамиятнинг уставига овоз берувчи акциялар эгалари бўлган акциядорларнинг ҳуқуқларини чекловчи ўзгартиш ва қўшимчалар киритиш ёки янги таҳрирдаги уставни тасдиқлаш тўғрисида акциядорларнинг умумий йиғилиши томонидан қарорлар қабул қилишда, агар улар қарши овоз берган бўлса ёхуд овоз беришда узрли сабабларга кўра иштирок этмаган бўлса, ўзларига тегишли акцияларнинг ҳаммаси ёки бир қисми Жамият томонидан қайтариб сотиб олинишини талаб қилишга ҳақлидир.

Жамият акциядорларни ўзларига тегишли акцияларнинг Жамият томонидан қайтариб сотиб олинишини талаб қилиш ҳуқуқи мавжудлиги, қайтариб сотиб олиш нархи ва қайтариб сотиб олишни амалга ошириш тартиби тўғрисида хабардор этиши шарт.

6.9. Акциядорлар мазкур Уставнинг 6.8. бандида кўзда тутилгандан ташқари ҳолларда Жамиятдан унга тегишли акцияларни қайтариб сотиб олишни талаб қилишга ҳақли эмас.

6.10. Жамият акциядорларининг мажбуриятлари:

❖ мазкур Уставда кўрсатилган тартибда, миқдор ва усулларда акцияларнинг нархини тўлаш;

❖ мазкур Уставда назарда тутилган чегараларда, Жамият бошқарув органларининг қарорларига бўйсунуш;

❖ Жамиятнинг махфий тусда бўлган ахборотларини ошкор қилмаслик.

6.11. Акциядорлар мазкур Уставда ва қонунчиликда назарда тутилган бошқа мажбуриятларга ҳам эга бўладилар.

7. ЖАМИЯТ ФОЙДАСИНИ, ДИВИДЕНДЛАРНИ ТАҚСИМЛАШ ВА ЗАРАРНИ ҚОПЛАШ ТАРТИБИ

7.1. Амалдаги қонунчиликка асосан бюджетга солиқлар ва бошқа мажбурий тўловлар тўлаганидан сўнг, Жамият фондларига ажратмалар бажарилади. Тақсимланмаган фойда Жамият акциядорлари умумий йиғилиши томонидан белгиланган тартибда ишлатилади.

7.2. Дивидендлар Жамият тасарруфида қоладиган соф фойдасидан ва (ёки) ўтган йилларнинг тақсимланмаган фойдасидан тўланади.

7.3. Дивиденд Жамият соф фойдасининг акциядорлар ўртасида тақсимланадиган қисмидир.

7.4. Жамият акциялар бўйича эълон қилинган дивидендларни тўлаши шарт.

7.5. Дивиденд акциядорларнинг умумий йиғилиши қарорига кўра пул маблағлари ёки бошқа қонуний тўлов воситалари ёхуд Жамиятнинг қимматли қоғозлари билан тўланиши мумкин.

7.6. Дивиденд акциядорлар ўртасида уларга тегишли акцияларнинг сони ва турига мутаносиб равишда тақсимланади.

7.7. Жамият молиявий йилнинг биринчи чораги, ярим йиллиги, тўққиз ойи натижаларига кўра ва (ёки) молиявий йил натижаларига кўра жойлаштирилган акциялар бўйича дивидендлар тўлаш тўғрисида қарор қабул қилишга ҳақли.

7.8. Жамиятнинг молиявий йилнинг биринчи чораги, ярим йиллиги ва тўққиз ойи натижаларига кўра дивидендлар (оралиқ дивидендлар) тўлаш тўғрисидаги қарори тегишли давр тугагандан кейин уч ой ичида қабул қилиниши мумкин.

7.9. Акцияларнинг ҳар бир тури бўйича дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор Жамият кузатув кенгашининг тавсияси, молиявий ҳисоботнинг ишончлилиги ҳақида аудиторлик хулосаси мавжуд бўлган тақдирда, молиявий ҳисобот маълумотлари асосида акциядорларнинг умумий йиғилиши томонидан қабул қилинади. Дивидендларнинг миқдори Жамият кузатув кенгаши томонидан тавсия этилган миқдордан кўп бўлиши мумкин эмас.

7.10. Дивидендлар тўлаш тўғрисидаги қарорда дивидендлар тўлаш бошланадиган ва тугайдиган саналар кўрсатилган бўлиши лозим.

7.11. Дивидендларни тўлаш муддати ва тартиби акциядорларнинг умумий йиғилиши қарорида белгиланади. Дивидендларни тўлаш муддати шундай қарор қабул қилинган кундан эътиборан олтмиш кундан кеч бўлмаслиги лозим.

7.12. Эгаси ёки эгасининг қонуний ҳуқуқий вориси ёхуд меросхўри томонидан уч йил ичида талаб қилиб олинмаган дивиденд акциядорларнинг умумий йиғилиши қарорига кўра Жамият ихтиёрида қолади.

7.13. Акциядорларга дивидендларни тўлаш тўғрисида қарор қабул қилинган акциядорларнинг умумий йиғилишини ўтказиш учун шакллантирилган Жамият акциядорларининг реестрида қайд этилган шахслар акциялар бўйича дивиденд олиш ҳуқуқига эга.

7.14. Жамият қуйидаги ҳолларда дивидендларни тўлаш ҳақида қарор қабул қилишга ҳақли эмас:

❖ Жамият устав фондининг ҳаммаси унинг таъсис этилиши чоғида тўлиқ тўлаб бўлингунига қадар;

❖ агар дивидендлар тўланадиган пайтда Жамиятда банкротлик белгилари мавжуд бўлса ёки Жамиятда шундай белгилар дивидендларни тўлаш натижасида пайдо бўлса;

❖ агар Жамият соф активларининг қиймати унинг устав фонди ва захира фонди суммасидан кам бўлса.

Ушбу бандда кўрсатилган ҳолатлар тугатилгач, Жамият ҳисобланган дивидендларни акциядорларга тўлаши шарт.

7.15. Жамият дивидендлар миқдорини улардан ундириладиган солиқларни инобатга олмаган ҳолда эълон қилади.

7.16. Жамиятнинг зарарлари қонунчиликда белгиланган тартибда захира фонди маблағлари ҳисобига қопланади.

8. ЖАМИЯТНИНГ ЗАХИРА ФОНДИНИ ВА БОШҚА ФОНДЛАРНИ ТАШКИЛ ЭТИШ ТАРТИБИ

8.1. Жамият соф фойда ҳисобидан:

❖ Захира Фонди;

❖ Дивиденд тўлаш фонди;

❖ Жамият Кузатув кенгаши томонидан аниқланадиган, Жамият фаолияти учун зарур бўлган бошқа фондларни тузилади.

8.2. Бошқа маблағлар мавжуд бўлмаган тақдирда, Жамиятнинг захира фонди Жамиятнинг зарарлари ўрнини қоплаш, Жамиятнинг корпоратив облигацияларини муомаладан чиқариш ва Жамиятнинг акцияларини қайтариб сотиб олиш учун мўлжалланади.

8.3. Захира фондидан бошқа мақсадларда фойдаланиш мумкин эмас.

8.4. Жамият Устав фондининг 15 (ўн беш) фоизи миқдорда Жамият захира фонди тузилади.

8.5. Жамият захира Фондига ушбу Уставнинг 8.4. бандида белгиланган миқдорга етгунига қадар ҳар йили соф фойдадан 5% миқдорда ажратмалар ўтказилади.

8.6. Захира Фонди тўлалигича ёки қисман сарфланиб бўлган ҳолларида, мажбурий ажратмалардан тикланади.

9. ЖАМИЯТ БОШҚАРУВ ОРГАНЛАРИ

9.1. Жамиятни бошқариш органларига қуйидагилардан иборат:

❖ Акциядорларнинг Умумий йиғилиши;

❖ Кузатув кенгаши;

❖ Ижроия органи.

10. ЖАМИЯТ АКЦИЯДОРЛАРИНИНГ УМУМИЙ ЙИҒИЛИШИ

10.1. Акциядорларнинг умумий йиғилиши Жамиятнинг юқори бошқарув органидир.

10.2. Акциядорларнинг умумий йиғилишини Жамият кузатув кенгашининг раиси, у узрли сабабларга кўра бўлмаган тақдирда эса, Жамият кузатув кенгашининг аъзоларидан бири олиб боради.

10.3. Жамият акциядорларининг йиллик Умумий йиғилиши ҳар йили молия йили тугаганидан кейин олти ойдан кечиктирмай ўтказилади.

10.4. Акциядорларнинг йиллик умумий йиғилишида Жамиятнинг Кузатув кенгашини ва Тафтиш комиссиясини сайлаш тўғрисидаги, Жамият Директори билан тузилган шартноманинг муддатини узайтириш, уни қайта тузиш ёки бекор қилиш мумкинлиги ҳақидаги масалалар ҳал этилади, шунингдек Жамият йиллик ҳисоботи ва бошқа ҳужжатлари кўриб чиқилади.

10.5. Акциядорларнинг йиллик умумий йиғилишидан ташқари ўтказиладиган умумий йиғилишлари навбатдан ташқари йиғилишлардир.

10.6. Акциядорларнинг умумий йиғилишини ўтказиш санаси ва тартиби, йиғилиш ўтказилиши ҳақида акциядорларга хабар бериш тартиби, акциядорларнинг умумий йиғилишини ўтказишга тайёргарлик вақтида акциядорларга бериладиган материалларнинг (ахборотнинг) рўйхати Жамият Кузатув кенгаши томонидан белгиланади.

10.7. Акциядорлар умумий йиғилишининг ваколат доирасига қуйидагилар киради:

а) Жамият уставига ўзгартиш ва кўшимчалар киритиш ёки Жамият янги таҳрирдаги уставини тасдиқлаш;

б) Жамиятни қайта ташкил этиш;

в) Жамиятни тугатиш, тугатувчини (тугатиш комиссиясини) тайинлаш ҳамда оралик ва якуний тугатиш балансларини тасдиқлаш;

г) Жамият Кузатув кенгашининг сони ва таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш. Кузатув кенгаши аъзоларига мукофот ва компенсациялар тўлаш;

д) эълон қилинган акцияларнинг энг кўп миқдорини белгилаш;

е) Жамиятнинг устав фондини камайтириш;

ж) ўз акцияларини қайтариб сотиб олиш;

з) Жамиятнинг ташкилий тузилмасини тасдиқлаш. Жамиятнинг яккабошчилик асосидаги ижроия органининг фаолияти тартибини белгилаб берувчи Низомни тасдиқлаш;

и) Жамият тафтиш комиссиясининг аъзоларини сайлаш ва уларнинг ваколатларини муддатидан илгари тугатиш, шунингдек Тафтиш комиссияси тўғрисидаги низомни тасдиқлаш. Тафтиш комиссияси аъзоларига мукофот ва компенсациялар тўлаш;

к) Жамиятнинг йиллик ҳисоботини тасдиқлаш;

л) Жамиятнинг фойдаси ва зарарларини тақсимлаш;

м) Жамият Кузатув кенгашининг ва Тафтиш комиссиясининг ўз ваколат доирасига кирадиган масалалар юзасидан, шу жумладан Жамиятни бошқаришга доир қонун ҳужжатларида белгиланган талабларга риоя этилиши юзасидан Жамият кузатув кенгашининг ҳисоботларини ва Тафтиш комиссияси ҳулосаларини эшитиш;

н) акциядорлар умумий йиғилишининг регламентини тасдиқлаш;

о) акциядорнинг Жамият акциялари ёки бошқа қимматли қоғозларини сотиб олишга доир имтиёзли ҳуқуқини қўлламаслик тўғрисида қарор қабул қилиш;

п) акцияларни майдалаш ва йириклаштириш;

р) конунчиликда назарда тутилган ҳолларда йирик битимлар тузиш ҳақида қарор қабул қилиш;

с) конунчиликда назарда тутилган ҳолларда Жамиятнинг аффилиланган шахслари билан битимлар тузиш ҳақида қарор қабул қилиш;

т) дивидендлар тўлаш тўғрисида қарорни қабул қилиш, акцияларнинг ҳар бир тоифаси ва тури бўйича дивиденд миқдори, тўлов шакли ва тартибини белгилаш;

у) конунчиликда ва мазкур Уставда кўзда тутилган бошқа масалаларни ҳал этиш.

10.8. Акциядорлар умумий йиғилишининг ваколат доирасига киритилган масалалар Жамиятнинг ижроия органи ҳал қилиши учун берилиши мумкин эмас.

10.9. Акциядорлар умумий йиғилишининг ваколат доирасига киритилган масалалар Жамиятнинг Кузатув кенгаши ҳал қилиши учун берилиши мумкин эмас, фақатгина Жамият кузатув кенгаши мажлиси қарорига асосан Жамиятнинг устав фондини акциялар номинал қийматини ошириш йўли билан ёки кўшимча акциялар жойлаштириш йўли билан кўпайтириш тўғрисида қарорлар қабул қилинганда Жамият уставига тегишли ўзгартишлар киритиш масаласи бундан мустасно.

10.10. Овозга қўйилган масала бўйича акциядорлар Умумий йиғилишининг қарори, агар Қонун ҳужжатларида ва ушбу Уставда бошқача қоида белгиланмаган бўлса, йиғилишда иштирок этаётган Жамият овоз берувчи акциялари эгаси бўлмиш акциядорларнинг кўпчилик овози билан қабул қилинади.

10.11. Мазкур Уставнинг 10.7. бандидаги қуйидаги масалалари бўйича:

- Жамият уставига ўзгартиш ва кўшимчалар киритиш ёки Жамият янги таҳрирдаги уставини тасдиқлаш;

- Жамиятни қайта ташкил этиш;

- Жамиятни тугатиш, тугатувчини (тугатиш комиссиясини) тайинлаш ҳамда оралик ва якуний тугатиш балансларини тасдиқлаш;

- эълон қилинган акцияларнинг энг кўп миқдорини белгилаш;

- Жамият Кузатув кенгашининг ва Тафтиш комиссиясининг ўз ваколат доирасига кирадиган масалалар юзасидан, шу жумладан Жамиятни бошқаришга доир қонун ҳужжатларида белгиланган талабларга риоя этилиши юзасидан Жамият кузатув кенгашининг ҳисоботларини ва Тафтиш комиссияси ҳулосаларини эшитиш;

- конунчиликда назарда тутилган ҳолларда йирик битимлар тузиш ҳақида қарор қабул қилиш

акциядорлар Умумий йиғилиши томонидан акциядорларнинг умумий йиғилишида иштирок этаётган овоз берувчи акцияларнинг эгалари бўлмиш акциядорларнинг тўртдан уч қисмидан иборат кўпчилик овози билан қабул қилинади.

10.12. Ушбу Уставнинг 10.7. бандидаги а) ва т) қисмларда кўрсатилган масалалар бўйича қарор, акциядорлар умумий йиғилиши томонидан фақат кузатув кенгашининг таклифига биноан қабул қилинади.

10.13. Акциядорларнинг умумий йиғилиши кун тартибига киритилмаган масалалар бўйича қарор қабул қилишга, шунингдек кун тартибига ўзгартишлар киритишга ҳақли эмас.

10.14. Агар акциядор узрли сабабга кўра акциядорларнинг умумий йиғилишида иштирок этмаган ёки бундай қарор қабул қилинишига қарши овоз берган бўлса, у акциядорларнинг умумий йиғилиши томонидан қабул қилинган қарор устидан судга шикоят қилишга ҳақлидир.

10.15. Акциядорларнинг умумий йиғилиши томонидан қабул қилинган қарорлар, шунингдек овоз бериш яқунлари амалдаги қонунчиликда ва ушбу уставда назарда тутилган тартибда, ушбу қарорлар қабул қилинган санадан эътиборан ўттиз кундан кечиктирмай акциядорлар эътиборига етказилади.

10.16. Акциядорларнинг умумий йиғилишида иштирок этиш ҳуқуқига акциядорларнинг умумий йиғилиши ўтказиладиган санадан уч иш куни олдин шакллантирилган Жамият акциядорларининг реестрида қайд этилган акциядорлар эга бўлади.

10.17. Акциядорларнинг умумий йиғилишини ўтказиш тўғрисидаги хабар акциядорларнинг умумий йиғилиши ўтказиладиган санадан камида етти кундан кечиктирмай, лекин узоғи билан ўттиз кун олдин, Жамиятни қайта ташкил этиш масаласи кўрилган ҳолда йиғилиш ўтказилишидан 30 кун олдин Жамиятнинг расмий веб-сайтида, оммавий ахборот воситаларида эълон қилинади, шунингдек акциядорларга электрон почта орқали юборилади.

10.18. Акциядорларнинг умумий йиғилиши ўтказиладиган сана уни ўтказиш тўғрисида қарор қабул қилинган кундан эътиборан ўн кундан кам ва ўттиз кундан кўп этиб белгиланиши мумкин эмас.

10.19. Жамият овоз берувчи акцияларининг ҳаммаси бўлиб камида бир фоизига эгалик қилувчи акциядорлар (акциядор) Жамиятнинг молия йили тугаганидан кейин 30 (ўттиз) кундан кечиктирмай акциядорларнинг йиллик умумий йиғилиши кун тартибига масалалар киритишга ҳамда Жамият кузатув кенгаши ва тафтиш комиссиясига бу органнинг миқдор таркибидан ошмайдиган тарзда номзодлар кўрсатишга ҳақли.

10.20. Акциядорларнинг навбатдан ташқари умумий йиғилиши Жамият Кузатув кенгашининг қарорига кўра унинг ўз ташаббуси асосида, Тафтиш комиссиясининг ёзма талаби, шунингдек ёзма талаб тақдим этилган санада Жамият овоз берувчи акцияларининг камида беш фоизига эгалик қилувчи акциядорнинг ёзма талаби асосида ўтказилади.

10.21. Акциядорларнинг навбатдан ташқари умумий йиғилиши ўтказилишини талаб қилаётган акциядорларга тегишли овоз берувчи акциялар улуши бундай талабни кўрсатиш санасида аниқланади.

10.22. Акциядорларнинг умумий йиғилишида иштирок этиш ҳуқуқи акциядор томонидан шахсан ёки унинг вакили орқали амалга оширилади. Акциядор акциядорларнинг умумий йиғилишидаги ўз вакилини исталган вақтда алмаштиришга ёки йиғилишда шахсан ўзи иштирок этишга ҳақлидир.

10.23. Агар Жамиятнинг акцияси бир нечта шахснинг умумий улушли мулкида бўлса, акциядорларнинг умумий йиғилишида овоз бериш ваколатлари уларнинг хоҳишига кўра умумий улушли мулк иштирокчиларидан бири ёки уларнинг умумий вакили томонидан амалга оширилади. Кўрсатиб ўтилган ҳар бир шахснинг ваколатлари тегишли тарзда расмийлаштирилган бўлиши керак.

10.24. Агар акциядорларнинг умумий йиғилишида иштирок этиш учун рўйхатдан ўтказиш тугалланган пайтда Жамиятнинг жойлаштирилган овоз берувчи акцияларининг жами эллик фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг умумий йиғилиши ваколатли (кворумга эга)

бўлади. Акциядорларнинг умумий йиғилишини ўтказиш учун кворум бўлмаса, акциядорларнинг такрорий умумий йиғилишини ўтказиш санаси эълон қилинади. Акциядорларнинг такрорий умумий йиғилишини ўтказишда кун тартибини ўзгартиришга йўл қўйилмайди. Агар акциядорларнинг ўтказилмай қолган йиғилиши ўрнига чақирилган такрорий умумий йиғилишида иштирок этиш учун рўйхатдан ўтказиш тугалланган пайтда Жамиятнинг жойлаштирилган овоз берувчи акцияларининг жами қирқ фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг такрорий умумий йиғилиши ваколатли бўлади.

10.25. Кворум бўлмаганлиги сабабли акциядорларнинг умумий йиғилишини ўтказиш санаси йигирма кундан кам муддатга кўчирилган тақдирда, умумий йиғилишда иштирок этиш ҳуқуқига эга бўлган акциядорлар ўтказилмай қолган умумий йиғилишда иштирок этиш ҳуқуқига эга бўлган акциядорларнинг реестрига мувофиқ аниқланади.

10.26. Акциядорлар умумий йиғилишининг баённомаси акциядорларнинг умумий йиғилиши ёпилганидан кейин ўн кундан кечиктирмай икки нусхада тузилади. Ҳар иккала нусха ҳам умумий йиғилишда раислик қилувчи ва умумий йиғилиш котиби томонидан имзоланади.

10.27. Акциядорлар умумий йиғилишини ташкиллаштириш ва ўтказиш билан боғлиқ бошқа масалалар амалдаги қонунчилик билан тартибга солинади ва Жамиятнинг "Акциядорлар умумий йиғилиши тўғрисида"ги Низом билан белгиланади.

11. ЖАМИЯТ КУЗАТУВ КЕНГАШИ

11.1. Жамиятнинг кузатув кенгаши Жамият фаолиятига умумий раҳбарликни амалга оширади, амалдаги қонунчилик ва Жамият устави билан акциядорлар умумий йиғилишининг ваколат доирасига киритилган масалаларни ҳал этиш бундан мустасно.

11.2. Жамият кузатув кенгашининг ваколат доирасига қуйидагилар киради:

- а) Жамият фаолиятининг устувор йўналишларини белгилаш;
- б) Жамият акциядорларининг йиллик ва навбатдан ташқари Умумий йиғилишларини чақириш, қонунчиликда кўрсатилган ҳолатлар бундан мустасно;
- в) акциядорлар Умумий йиғилишининг кун тартибини тайёрлаш;
- г) акциядорларнинг умумий йиғилиши ўтказиладиган сана, вақт ва жойни белгилаш;
- д) акциядорларнинг Умумий йиғилиши ўтказилиши ҳақида хабар қилиш учун Жамият акциядорлари реестрини шакллантириш санасини белгилаш;
- е) Ушбу Уставнинг 10.7. бандидаги а) ва т) қисмларида кўрсатилган масалаларни ҳал этишни акциядорларнинг Умумий йиғилишига киритиш;
- ж) мол-мулкнинг бозор қийматини белгилашни ташкил этиш;
- з) Жамиятнинг устав фондини акциялар номинал қийматини ошириш йўли билан кўпайтириш ва Жамият уставига тегишли ўзгартишлар киритиш тўғрисида қарорлар қабул қилиш, шунингдек тегишли ҳужжатларни (акциялар чиқариш тўғрисидаги қарор ва эмиссия рисоласини) тасдиқлаш;
- и) Жамиятнинг устав фондини қўшимча акциялар жойлаштириш йўли билан кўпайтириш Жамиятнинг устав фондини қўшимча акцияларни жойлаштириш йўли билан кўпайтириш ва Жамият уставига тегишли ўзгартишлар киритиш тўғрисида қарорлар қабул қилиш, шунингдек тегишли ҳужжатларни (акциялар чиқариш тўғрисидаги қарор ва эмиссия рисоласини) тасдиқлаш;
- к) аввал рўйхатдан ўтказилган қимматли қоғозлар чиқарилишларига ўзгартириш ва қўшимчалар киритиш тўғрисида қарор қабул қилиш;
- л) аудиторлик текшируви ўтказиш тўғрисида, аудиторлик ташкилотини ва унинг хизматига тўланадиган ҳақ миқдори чегарасини белгилаш тўғрисида қарор қабул қилиш;
- м) акцияларни жойлаштириш (қимматли қоғозларнинг биржа бозорига ва уюшган биржадан ташқари бозорига чиқариш) нархини белгилаш;
- н) Жамиятнинг йиллик бизнес-режасини тасдиқлаш. Бунда Жамиятнинг келгуси йилга мўлжалланган бизнес-режаси жорий йилнинг 1 декабридан кечиктирмай тасдиқланиши лозим;

- о) Жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;
- п) кимматли қоғозларнинг ҳосилаларини чиқариш тўғрисида қарор қабул қилиш;
- р) Жамиятнинг корпоратив облигацияларини қайтариб сотиб олиш тўғрисида қарор қабул қилиш;
- с) ижроия органини тузиш, Директорни сайлаш (тайинлаш) ва унинг ваколатларини муддатидан илгари тугатиш;
- т) Жамиятнинг ижроия органига тўланадиган ҳақ ва компенсациялар миқдорини белгилаш;
- у) корпоратив маслаҳатчини тайинлаш ва унинг фаолияти тартибини белгиловчи низомни тасдиқлаш;
- ф) Жамиятнинг ички аудит хизматини ташкил этиш, унинг ходимларини тайинлаш ва ички аудит хизмати тўғрисидаги Низомни тасдиқлаш, шунингдек ҳар чоракда унинг ҳисоботларини эшитиб бориш;
- х) Жамият Тафтиш комиссияси аъзоларига тўланадиган ҳақ ва компенсация миқдори юзасидан тавсиялар бериш;
- ц) Жамиятнинг ижроия органи фаолиятига дахлдор ҳар қандай ҳужжатдан эркин фойдаланиш ва ижроия органидан Жамият Кузатув кенгаши зиммасига юклатилган вазифаларни бажариш учун уларни олиш. Олинган ҳужжатлардан Жамият Кузатув кенгаши ва унинг аъзолари фақат хизмат мақсадларида фойдаланишлари мумкин;
- ч) дивиденд миқдори, уни тўлаш шакли ва тартиби юзасидан тавсиялар бериш;
- ш) қонунчиликда назарда тутилган ҳолларда йирик битимлар тузиш ҳақида қарор қабул қилиш (йирик битим тузиш масаласи бўйича Жамият кузатув кенгашининг яқдиллигига эришилмаган тақдирда йирик битим тузиш тўғрисидаги масала Кузатув кенгашининг қарорига кўра акциядорларнинг умумий йиғилиши ҳал қилиши учун олиб чиқилиши мумкин);
- щ) Жамиятнинг захира фонди ва бошқа фондларидан фойдаланиш;
- ы) қонунчиликда назарда тутилган ҳолларда Жамиятнинг аффилиланган шахслари билан битимлар тузиш ҳақида қарор қабул қилиш;
- э) Жамиятнинг филиалларини ташкил этиш ҳамда ваколатхоналарини очиш ва тугатиш;
- ю) Жамиятнинг шўъба ва тобе корхоналарини ташкил этиш;
- я) Жамиятнинг тижорат ва нотижорат ташкилотлардаги иштироки билан боғлиқ битимларни қонун ҳужжатларида белгиланган тартибда тузиш;
- ў) ушбу Устав ва амалдаги қонунчиликка мувофиқ Жамият Кузатув кенгаши ваколатларига киритилган бошқа масалаларни ҳам ҳал этиш.
- 11.3. Жамият Кузатув кенгаши ўз ишини амалдаги қонунчилик, ушбу Устав ва Акциядорлар умумий йиғилишида тасдиқланган “Кузатув Кенгаши тўғрисида”ги Низом асосида амалга оширади.
- 11.4. Жамият Кузатув кенгашининг ваколатларига киритилган масалалар ҳал қилиш учун Жамият Ижроия органига ўтказилиши мумкин эмас.
- 11.5. Жамият Кузатув кенгашининг аъзолари, амалдаги қонунчилик ва мазкур Устав асосида акциядорларнинг умумий йиғилиши томонидан бир йиллик муддатга сайланадилар. Жамият Кузатув кенгаши аъзоларининг миқдор таркиби 5 (беш) кишидан иборат.
- 11.6. Жамиятнинг кузатув кенгаши таркибига сайланган шахслар чекланмаган тарзда қайта сайланиши мумкин.
- 11.7. Жамият Директори Жамиятнинг кузатув кенгашига сайланиши мумкин эмас.
- 11.8. Жамиятда меҳнат шартномаси (контракт) бўйича ишлаётган шахслар Жамият Кузатув кенгашининг аъзолари бўлиши мумкин эмас.
- 11.9. Жамият Кузатув кенгаши таркибига сайланадиган шахсларга нисбатан қўйиладиган талаблар акциядорлар Умумий йиғилишида тасдиқланган “Жамият Кузатув кенгаши тўғрисидаги Низом”да белгилаб қўйилади.
- 11.10. Жамиятнинг Кузатув кенгаши аъзолари сайлови кумулятив овоз бериш орқали амалга оширилади.

11.11. Кумулятив овоз беришда ҳар бир акциядорга тегишли овозлар сони Жамиятнинг Кузатув кенгашига сайланиши лозим бўлган шахслар сонига кўпайтирилади ва акциядор шу тариқа олинган овозларни битта номзодга тўлиқ беришга ёки уларни икки ва ундан ортик номзодлар ўртасида тақсимлашга ҳақлидир. Энг кўп овоз тўплаган номзодлар Жамият Кузатув кенгаши таркибига сайланган деб ҳисобланади.

11.12. Жамият Кузатув кенгашининг раиси Кузатув кенгаш аъзолари томонидан уларнинг ўзлари орасидан Жамият Кузатув кенгаши аъзолари умумий сонига нисбатан кўпчилик овоз билан сайланади.

11.13. Жамият Кузатув кенгаши ўз раисини жами аъзоларининг кўпчилик овози билан қайта сайлашга ҳақлидир.

11.14. Жамият Кузатув кенгашининг раиси унинг ишини ташкил этади, кузатув кенгаши мажлисларини чақиради ва уларда раислик қилади, мажлисда баённома юритилишини ташкил этади ва акциядорлар умумий йиғилишларида раислик қилади.

11.15. Жамият Кузатув кенгаши Раиси йўқ бўлган ҳолларда унинг вазифасини Кузатув кенгаш аъзоларидан бири бажариб туради.

11.16. Жамият Кузатув кенгаши мажлислари унинг Раиси томонидан ҳар чоракда камида бир марта чақирилади. Жамият Кузатув кенгашининг навбатдан ташқари мажлислари Кузатув кенгаш Раисининг ташаббуси билан ёки қўйидагилар талабига кўра чақирилади:

- ❖ Кузатув кенгаш аъзоларининг;
- ❖ Тафтиш комиссиясининг;
- ❖ Жамият Директорининг;
- ❖ ички аудит хизмати бошлигининг;
- ❖ қонунчиликда ва мазкур Уставда кўрсатилган бошқа ҳолларда.

11.17. Жамият Кузатув кенгашининг мажлисини ўтказиш учун қворум, Кузатув кенгашига сайланган аъзолар сонининг етмиш беш фоизини ташкил қилади.

11.18. Жамият Кузатув кенгашининг мажлисида қарорлар мажлисда ҳозир бўлганларнинг кўпчилик овози билан қабул қилинади. Жамият Кузатув кенгаши мажлисида масалалар ҳал этилаётганда Кузатув кенгашнинг ҳар бир аъзоси битта овозга эга. Мазкур Уставнинг 4.7. ва 4.10 бандларида ва 11.2 бандининг з), и), о), ш) қисмларида кўрсатилган масалалар бўйича қарор Жамият Кузатув кенгаши томонидан бир овоздан (яқдиллик билан) қабул қилинади.

11.19. Жамият Кузатув кенгаши аъзоларининг сони Ушбу Уставнинг 11.5. бандида назарда тутилган миқдорнинг етмиш беш фоизидан кам бўлган тақдирда, Жамият Кузатув кенгашининг янги таркибини сайлаш учун акциядорларнинг навбатдан ташқари умумий йиғилишини чақириши шарт. Кузатув кенгашининг қолган аъзолари акциядорларнинг бундай навбатдан ташқари умумий йиғилишини чақириш тўғрисида қарор қабул қилишга, шунингдек Жамият ижроия органи раҳбарининг ваколатлари муддатидан илгари тугатилган тақдирда, унинг вазифасини вақтинча бажарувчини тайинлашга ҳақлидир.

11.20. Жамият Кузатув кенгашининг бир аъзоси ўз овозини Кузатув кенгашнинг бошқа аъзосига беришига ҳақли эмас.

11.21. Жамият Кузатув кенгаши аъзоларининг овозлари тенг бўлган ҳолда, Жамият Кузатув кенгаши Раисининг овози ҳал этувчи ҳисобланади.

11.22. Жамият Кузатув кенгаши қарорлари билан Жамият акциядорлари таништирилиши мумкин. Жамият акциядорлари Жамиятнинг қонун ҳужжатларида назарда тутилган бошқа ҳужжатлари билан ҳам танишишлари мумкин.

11.23. Жамият кузатув кенгашининг қарорлари сиртдан овоз бериш йўли билан (сўров йўли билан) Жамият Кузатув кенгашининг барча аъзолари томонидан бир овоздан қабул қилиниши мумкин.

11.24. Жамият кузатув кенгашининг мажлисида баённома юритилади. Кузатув кенгаши мажлисининг баённомаси мажлис ўтказилганидан сўнг ўн кундан кечиктирмай тузилади.

11.25. Жамият кузатув кенгаши мажлисининг баённомаси мажлисда иштирок этаётган Жамият кузатув кенгаши аъзолари томонидан имзоланади, улар мажлис баённомаси тўғри расмийлаштирилиши учун жавобгар бўлади.

11.26. Жамият кузатув кенгаши мажлисининг баённомаси имзоланган куни Жамиятнинг ижроия органига ижро этиш учун топширилади. Кузатув кенгаши акциядорларнинг умумий йиғилишини чақириш тўғрисида қарор қабул қилган тақдирда мазкур қарор ҳақидаги ахборот Жамиятнинг ижроия органига кузатув кенгашининг мажлиси ўтказиладиган куни топширилади.

11.27. Акциядорлар умумий йиғилишининг қарорига кўра, Жамият Кузатув кенгаши аъзоларига улар ўз вазифаларини бажариб турган даврда ҳақ тўланиши ва кузатув кенгашининг аъзоси вазифасини бажариш билан боғлиқ харажатлари қопланиши мумкин. Бундай ҳақ ва тўловларнинг миқдори акциядорлар умумий йиғилиши қарори билан белгилаб қўйилади.

11.28. Жамият Кузатув кенгашининг аъзолари, ўз ҳуқуқларини амалга оширишда ва ўз бурчларини бажаришда Жамият манфаатларини кўзлаб иш тутишлари лозим.

11.29. Жамият Кузатув кенгаши аъзолари Жамият ва унинг акциядорлари олдидаги ўз мажбуриятларини зарур даражада бажармаганликлари учун қонун ҳужжатларига ва мазкур Уставга мувофиқ жавобгар бўладилар.

11.30. Жамиятга зарар етказилишига сабаб бўлган қарорга овоз беришда иштирок этмаган ёки ушбу қарорга қарши овоз берган Жамият кузатув кенгаши аъзолари жавобгар бўлмайди.

12. ЖАМИЯТНИНГ ИЖРОИЯ ОРГАНИ

12.1. Жамиятнинг кундалик фаолиятига раҳбарлик яккабошчилик асосидаги ижроия органи (Директор) томонидан амалга оширилади.

12.2. Жамият директори акциядорлар умумий йиғилишининг мутлақ ваколатлари ва Жамият Кузатув Кенгаши ваколатларига киритилган масалалардан ташқари барча масалаларни ҳал қилиш ваколатига эга.

12.3. Жамият Директори Жамиятнинг ижро этувчи органи ҳисобланиб, унинг кундалик фаолиятини бошқаради ва оператив раҳбарликни Ўзбекистон Республикаси қонунчилиги, Жамият Устави, акциядорлар Умумий йиғилиши ва Жамият Кузатув кенгашининг қарорларига мувофиқ амалга оширади.

12.4. Жамият Директори акциядорлар Умумий йиғилиши ва Жамият Кузатув кенгашига ҳисобот беради.

12.5. Жамият Директори жамият Кузатув Кенгаши томонидан, одатда, хорижий менежерлар ҳам иштирок этиши мумкин бўлган танлов асосида тайинланади ва у билан меҳнат шартномасини Жамият номидан Жамият Кузатув кенгаши раиси имзолайди.

12.6. Жамият ходимлари мазкур Уставга ва амалдаги қонун ҳужжатларига мувофиқ Жамият Директори билан меҳнат шартномасини тузадилар.

12.7. Жамият Директорининг ваколатларига Жамиятнинг кундалик фаолиятига раҳбарлик қилишга доир барча масалалар киради, акциядорлар Умумий йиғилишининг мутлақ ваколатларига ёки Жамият Кузатув кенгашининг ваколатларига киритилган масалалар бундан мустасно.

12.8. Жамият Директори акциядорлар Умумий йиғилиши ва Жамият Кузатув кенгашининг қарорлари бажарилишини ташкил этади.

12.9. Жамият Директори Жамият Устави асосида иш олиб боради.

12.10. Жамият Директорининг мажбуриятларига ва ваколатларига қўйидагилар киради:

- ❖ ўз ваколатлари доирасида Жамиятнинг мол –мулки ва пул маблағларини тассаруф этиш;

- ❖ Штатларни белгилаш, ходимларнинг штат рўйхатини тасдиқлаш, Жамият ходимларини ишга қабул қилиш, улар билан меҳнат шартномаларини тузиш ва бекор қилиш, ва уларга нисбатан интизомий жазо чораларини қўллаш, ходимлар томонидан меҳнат ва ижро интизомини сақлаб туришини таъминлаш;

- ❖ Жамиятнинг таркибий бўлинмалар тўғрисидаги низомлар, ходимларнинг лавозим йўриқномаларини тасдиқлаш;

- ❖ Жамиятнинг ички меъёрий ҳужжатларини тасдиқлаш, акциядорлар Умумий йиғилишининг ёки Жамият Кузатув кенгашининг ваколатларига киритилган масалалар бундан мустасно;
- ❖ Жамият ваколатхоналари ва филиаллари учун мажбурий бўлган қарор, буйруқ ва фармойишлар чиқариш;
- ❖ Жамиятнинг филиаллари раҳбарларини лавозимга тайнлаш ва лавозимдан озод этиш;
- ❖ Филиал фаолиятининг асосий йўналишларини белгилаш ва ҳисоботларини тасдиқлаш;
- ❖ Жамият филиаллари низомларини тасдиқлаш ва уларга ўзгаритириш ва кўшимчалар киритиш;
- ❖ Жамият филиаллари штат жадвалларини тасдиқлаш;
- ❖ Жамиятнинг ваколатли бошқарув органи томонидан тасдиқланган бизнес-режада кўрсатилган миқдорларда фойда олишни таъминлаш;
- ❖ қонунчиликка мувофиқ Жамиятда бухгалтерия ҳисоби ва ҳисоботининг ташкил этилиши, зарур ҳолати ва ишончлилигини, йиллик ҳисоботлар ва бошқа молиявий ҳисоботлар тегишли органларга ўз вақтида тақдим этилишини, шунингдек акциядорларга, кредиторларга ва бошқа олувчиларга юбориладиган Жамият фаолияти тўғрисидаги маълумотлар тақдим этилишини таъминлаш;
- ❖ Жамиятнинг молия-хўжалик фаолияти тўғрисидаги ҳужжатлар Жамиятнинг Кузатув кенгаши, Тафтиш комиссияси ёки Жамият аудитори талабига кўра тақдим этиш;
- ❖ ўз ваколати доирасида мол-мулкни олиш ёки уни бошқа шахсга бериш ёхуд мол-мулкни бошқа шахсга бериш эҳтимоли билан боғлиқ битим тузиш;
- ❖ ўз ваколатига тегишли ишларнинг ҳолати тўғрисидаги ахборотни акциядорларнинг Умумий йиғилишига ва Жамият Кузатув кенгашига белгиланган муддатда тақдим этиш;
- ❖ ўз ваколатлари доирасида Жамиятнинг самарали ва барқарор ишлашини таъминлаш;
- ❖ Ўзбекистон Республикаси қонун ҳужжатларига, ҳамда Жамият ички ҳужжатларига риоя қилиш;
- ❖ Устав ва Жамият Кузатув кенгаши томонидан ўзига берилган ваколатларга мувофиқ Жамиятнинг ишига раҳбарлик қилиш;
- ❖ Жамият Кузатув кенгашининг розилигига кўра унинг ишида маслаҳат овози билан иштирок этиш;
- ❖ Жамият номидан ишончномасиз иш юритиш, давлат муассасалари, барча мулк шаклларидаги корхона ва ташкилотларда унинг манфаатларини ҳимоя қилиш;
- ❖ Жамият мижозлари билан шартномалар ва контрактлар тузиш;
- ❖ Жамият номидан амалдаги қонунчиликка асосан ишончномаларни бериш;
- ❖ Жамиятнинг барча ходимлари томонидан бажарилиши мажбурий бўлган буйруқ ва фармойишлар чиқариш ва кўрсатмалар бериш;
- ❖ ўз ваколатлари доирасида Жамиятнинг самарали ва барқарор ишлашини таъминлаган ҳолда унинг жорий фаолиятига раҳбарлик қилиш, акциядорлар Умумий йиғилиши ва Кузатув кенгашининг мутлақ ваколатига киритилган масалалардан ташқари;
- ❖ Жамиятнинг таркибий бўлинмаларининг ўзаро самарали ҳаракатини таъминлайди;
- ❖ Жамият Кузатув кенгаши томонидан тасдиқланган бизнес-режада кўрсатилган миқдорларда фойда олишни таъминлайди;
- ❖ Жамиятни ривожлантириш дастурлари ва бизнес-режалари ишлаб чиқилишига раҳбарлик қилади, уларни ташкил этади ва бажарилишини назорат қилади;
- ❖ Жамиятнинг фаолиятида қонун ҳужжатлари талабларига риоя қилинишини таъминлайди;
- ❖ Амалдаги қонунчиликка мувофиқ Жамиятда бухгалтерия ҳисоби ва ҳисоботининг ташкил этилиши, зарур ҳолати ва ишончлилигини, йиллик ҳисоботлар ва бошқа молиявий ҳисоботлар тегишли органларга ўз вақтида тақдим этилишини, шунингдек акциядорларга, кредиторларга ва бошқа олувчиларга юбориладиган Жамият фаолияти тўғрисидаги маълумотлар тақдим этилишини таъминлаш;

❖ давлат статистика ҳисоботи тегишли органларга тўлиқ ва ўз вақтида тақдим этилишини таъминлаш;

❖ хизмат ёки тижорат сирини ташкил этувчи ахборотнинг Жамият ходимлари томонидан сақланишини таъминлаш;

❖ Жамиятни малакали кадрлар билан таъминлайди, Жамият ходимларининг билими, малакаси, тажрибаси ва қобилиятларидан энг яхши фойдаланиш чораларини кўради;

❖ Жамият ходимларининг ижтимоий кафолатларига риоя қилинишини ва улар меҳнатини муҳофаза қилишини таъминлайди;

❖ Жамият акциядорларининг Умумий йиғилишида қатнашиш, дивидендлар ҳисобланиши ва тўланиши бўйича акциядорларнинг барча ҳуқуқларига риоя қилади;

❖ Ўзбекистон Республикаси амалдаги қонунчиликка ва бошқа қонун ости ҳужжатларига, ҳамда Жамият ички ҳужжатларига риоя қилиш.

❖ Жамият Директори, қонунчилик, ушбу устав ва Жамиятнинг меъёрий ҳужжатларига мувофиқ бошқа ҳуқуқ (ваколат) ва мажбуриятларга ҳам эга бўлиши мумкин.

12.11. Жамият Директори ўз ҳуқуқларини амалга оширишда ва ўз бурчларини бажаришда жамият манфаатларини кўзлаб иш тутиши лозим.

12.12. Жамият Директори Жамият ва унинг акциядорлари олдидаги ўз мажбуриятларини зарур даражада бажармаганликлари учун қонун ҳужжатларига ва мазкур Уставга мувофиқ жавобгар бўладилар.

12.13. Директорни лавозимидан бўшатиш (ваколатини тугатиш) ҳақидаги қарор қонунчиликда белгиланган тартибда Жамият Кузатув Кенгаши томонидан қабул қилинади.

12.14. Директор томонидан ушбу Устав ва меҳнат шартномаси шартлари кўпол равишда бузилса, ёхуд Жамият бизнес-режасининг тасдиқланган кўрсаткичларни бажарилиши бузилган ҳолларда ва унинг ҳаракатлари (ҳаракатсизлиги) натижасида Жамиятга келтирилган зарарлари сабабли Директор билан тузилган меҳнат шартномаси қонунчиликда белгиланган тартибда муддатидан илгари бекор қилиниши мумкин.

12.15. Жамият Директори ваколатлари муддатидан илгари тугатилган ҳолда унинг вазифасини вақтинча бажаришни Жамият Кузатув кенгашининг қарорига мувофиқ тайинланган шахс олиб бориши мумкин.

13. ЖАМИЯТНИНГ МОЛИЯ-ХЎЖАЛИК ФАОЛИЯТИНИ НАЗОРАТ ҚИЛИШ

а) Тафтиш комиссияси

13.1. Тафтиш комиссияси Жамиятнинг молия-хўжалик фаолияти устидан назоратни амалга оширади. Акциядорларнинг умумий йиғилиши 3 (уч) кишидан иборат тафтиш комиссиясини 1 йил муддатга сайлайди.

13.2. Жамият тафтиш комиссияси аъзоларига доир малака талаблари акциядорларнинг умумий йиғилиши томонидан белгиланади. Айни бир шахс тафтиш комиссияси аъзолигига кетма-кет 3 мартадан ортиқ сайланиши мумкин эмас.

13.3. Жамият тафтиш комиссиясининг ваколатлари амалдаги қонунчилик ва мазкур Устави билан белгиланади.

13.4. Жамият тафтиш комиссияси фаолиятининг тартиби акциядорлар умумий йиғилиши томонидан тасдиқланадиган “Тафтиш комиссияси тўғрисида”ги низомда белгилаб кўйилади.

13.5. Жамият тафтиш комиссиясининг ёзма талабига кўра Жамият ижроия органида мансабни эгаллаб турган шахслар Жамиятнинг молия-хўжалик фаолияти тўғрисидаги ҳужжатларни тафтиш комиссиясига тақдим этиши шарт.

13.6. Жамият тафтиш комиссиясининг аъзолари бир вақтнинг ўзида Жамият кузатув кенгашининг аъзоси бўлиши, шунингдек айни шу Жамиятда меҳнат шартномаси (контракт) бўйича ишлаши мумкин эмас.

13.7. Жамиятнинг молия-хўжалик фаолиятини текшириш тафтиш комиссиясининг, акциядорлар умумий йиғилишининг, Жамият кузатув кенгашининг ташаббусига кўра ёки Жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) талабига кўра Жамият кузатув кенгашини олдиндан хабардор қилиш

були билан бир йиллик ёки бошқа давр ичидаги фаолият якунлари бўйича амалга оширилади.

13.8. Жамиятнинг молия-хўжалик фаолиятини текшириш якунларига кўра Жамиятнинг тафтиш комиссияси хулоса тузади, бу хулосада:

- Жамиятнинг ҳисоботларида ва бошқа молиявий ҳужжатларида кўрсатилган маълумотларнинг ишончлилигига доир баҳо;

- бухгалтерия ҳисобини юритиш ва молиявий ҳисоботни тақдим этиш тартиби бузилганлиги, шунингдек молия-хўжалик фаолияти амалга оширилаётганда қонун ҳужжатлари бузилганлиги фактлари тўғрисидаги ахборот кўрсатилиши шарт.

13.9. Тафтиш комиссияси Жамиятда аффилиланган шахслар билан тузилган битимлар ёки йирик битимлар мавжудлиги, шунингдек қонун ҳужжатларининг ва Жамият ички ҳужжатларининг бундай битимларни тузишга доир талабларига риоя қилиниши тўғрисидаги хулосани ҳар чоракда Жамият кузатув кенгашининг мажлисига олиб чиқади. Ушбу модданинг саккизинчи қисмида кўрсатилган ахборотни ўз ичига олган хулоса акциядорларнинг йиллик умумий йиғилишида эшитилади.

б) Ички аудит хизмати

13.10. Жамиятда ички аудит хизмати ташкил этилади. Ички аудит хизмати Жамиятнинг кузатув кенгашига ҳисобдордир. Ички аудит хизмати аъзоларининг сони ва шахсий таркиби амалдаги қонунчилик билан белгиланган тартибда ташкил этилади.

13.11. Ички аудит хизмати Жамиятнинг ижроия органи, ваколатхоналари ва филиаллари томонидан қонун ҳужжатларига, таъсис ҳужжатлари ва бошқа ҳужжатларга риоя этилишини, бухгалтерия ҳисоби ва молиявий ҳисоботларда маълумотларнинг тўлиқ ҳамда тўғри акс этирилиши таъминланишини, хўжалик операцияларини амалга оширишнинг белгиланган қоидалари ва тартиб-таомилларига риоя этилишини, активларнинг сақланишини, шунингдек Жамиятни бошқариш юзасидан қонун ҳужжатларида белгиланган талабларга риоя этилишини текшириш ва бу борада мониторинг олиб бориш орқали Жамиятнинг ижроия органи, ваколатхоналари ва филиаллари ишини назорат қилади ҳамда баҳолайди.

13.12. Ички аудит хизмати ўз фаолиятини Ўзбекистон Республикаси Вазирлар Маҳкамаси томонидан белгиланадиган тартибга мувофиқ амалга оширади.

14. ЖАМИЯТНИ ҚАЙТА ТАШКИЛ ЭТИШ ВА ТУГАТИШ

14.1. Жамиятни қайта ташкил этиш (жумладан: қўшиб юбориш, қўшиб олиш, бўлиш, ажратиб чиқариш ва ўзгартириш) ва тугатиш акциядорлар умумий йиғилишининг қарори асосида, шунингдек, Ўзбекистон Республикаси амалдаги қонунчилиги билан белгиланган ҳолларда ва тартибда амалга оширилади.

14.2. Жамиятни қайта ташкил этиш Ўзбекистон Республикаси Фуқаролик Кодексининг 49 – 52 моддалари, “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуннинг 92 – 97 моддаларига мувофиқ амалга оширилади.

14.3. Жамиятнинг тугатилиши ҳуқуқ ва мажбуриятларни ҳуқуқий ворислик тартибида бошқа шахсларга ўтказмаган ҳолда Жамият фаолиятини тугатишга сабаб бўлади.

14.4. Жамият қуйидаги ҳолларда тугатилади:

❖ Ихтиёрий равишда, акциядорлар Умумий йиғилишининг қарорига мувофиқ;

❖ Ўзбекистон Республикасининг амалдаги қонун ҳужжатларига мувофиқ суд қарорига асосан;

❖ амалдаги қонун ҳужжатларида назарда тутилган бошқа сабабларга асосан;

14.5. Жамиятни тугатиш тартиби Ўзбекистон Республикаси Фуқаролик Кодексининг 53 – 56 моддалари, шунингдек “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” қонуннинг 98 – 101 моддаларига мувофиқ амалга оширилади.

14.6. Жамиятни тугатиш тўғрисидаги қарор қабул қилинганидан сўнг Жамият акциядорларининг Умумий йиғилиши Тугатувчини тайинлайди.

14.7. Тугатувчи тайинланган вақтдан бошлаб унга Жамият ишларини бошқариш ваколатлари ўтади.

14.8. Тугатувчи:

❖ Тугатувчи Жамиятнинг тугатилиши ҳақида, шунингдек унинг кредиторлари томонидан талабларни баён этиш тартиби ва муддатлари тўғрисида қонун ҳужжатларида белгиланган тартибда оммавий ахборот воситаларида эълон беради. Кредиторлар томонидан талаблар тақдим этиш учун муддат Жамиятнинг тугатилиши тўғрисидаги хабар эълон қилинган санадан эътиборан икки ойдан кам бўлмаслиги лозим.

❖ кредиторларни аниқлаш ва дебиторлик қарзларини олиш чора-тадбирларини кўради, шунингдек кредиторларни Жамиятнинг тугатилиши тўғрисида ёзма равишда хабардор қилади;

❖ Жамиятнинг мол-мулкни баҳолашни ташкил этади.

14.9. Агар тугатиш тўғрисида қарор қабул қилинган пайтга келиб Жамият кредиторлар олдида мажбуриятларга эга бўлмаса, унинг мол-мулки қонунчиликка мувофиқ акциядорлар ўртасида тақсимланади.

14.10. Кредиторларнинг талаблар қўйиши учун белгиланган муддат тугаганидан кейин тугатувчи оралиқ тугатиш балансини тузади, мазкур балансда тугатилаётган Жамият мол-мулкнинг таркиби, кредиторлар томонидан тақдим этилган талаблар, шунингдек уларни кўриб чиқиш натижалари ҳақидаги маълумотлар кўрсатилади. Оралиқ тугатиш баланси тугатилаётган Жамият акциядорларининг умумий йиғилиши томонидан тасдиқланади.

14.11. Агар Жамият тугатилаётганда мавжуд пул маблағлари кредиторларнинг талабларини қаноатлантириш учун етарли бўлмаса, тугатувчи Жамиятнинг мол-мулкни суд қарорларини ижро этиш учун белгиланган тартибда ким ошди савдосида сотишни амалга оширади.

14.12. Тугатилаётган Жамият кредиторларига пул суммаларини тўлаш Тугатувчи томонидан оралиқ тугатиш балансига мувофиқ қонун ҳужжатларида белгиланган навбат тартибида мазкур баланс тасдиқланган кундан эътиборан амалга оширилади.

14.13. Кредиторлар билан ҳисоб-китоб қилиб бўлинганидан кейин Тугатувчи тугатиш балансини тузади. Бу баланс акциядорларнинг Умумий йиғилиши томонидан тасдиқланади.

14.14. Тугатувчи ушбу моддада назарда тутилган тартиб-таомиллар тугалланганидан кейин Жамият қимматли қоғозлари чиқарилишларининг давлат рўйхатидан ўтказилганлигини бекор қилиш юзасидан зарур тадбирларни қонун ҳужжатларида белгиланган тартибда ва муддатларда амалга оширади.

14.15. Кредиторлар билан ҳисоб-китоб қилиб бўлинганидан кейин Жамиятнинг қолган мол-мулки тугатувчи томонидан акциядорлар ўртасида қуйидаги навбат бўйича тақсимланади:

❖ биринчи навбатда қонун ҳужжатларига мувофиқ қайтариб сотиб олиниши лозим бўлган акциялар бўйича тўловлар амалга оширилади;

❖ иккинчи навбатда тугатилаётган Жамиятнинг мол-мулкни оддий акциялар эгалари бўлган акциядорлар ўртасида тақсимлаш амалга оширилади.

14.16. Мол-мулкни ҳар бир навбат бўйича тақсимлаш аввалги навбат бўйича мол-мулк тўлиқ тақсимлаб бўлинганидан кейин амалга оширилади.

14.17. Мол-мулкни тугатиш қийматининг чет эллик инвестор бўлган акциядорга ўтказиладиган қисмини Жамият хорижий валютага айирбошлаб бериши шарт.

14.18. Рўйхатдан ўтказувчи орган юридик шахсларнинг ягона давлат реестрига тегишли ёзувни киритган пайтдан эътиборан Жамиятни тугатиш тамомланган, Жамият эса фаолиятини тугатган деб ҳисобланади.

Рўйхатдан ўтказувчи орган Жамият тугатилганлиги ҳақидаги тегишли ёзувни фақат Жамиятнинг қимматли қоғозлари чиқарилишлари давлат рўйхатидан ўтказилганлиги бекор қилинганидан кейингина киритади.

14.19. Тугатувчи ноқонуний ёки атайин нотўғри қилинган ҳаракатлар (ҳаракатсизлик) натижасида Жамиятга келтирилган зарар учун жавобгардир.

15. УСТАВГА ЎЗГАРТИРИШ ВА ҚЎШИМЧАЛАР КИРИТИШ

15.1. Жамият акциядорларининг Умумий йиғилиши ва ўз ваколатлари доирасида Жамият Кузатув кенгаши томонидан Жамият Уставига киритиладиган барча ўзгартириш ва қўшимчалар Ўзбекистон Республикасининг тегишли Давлат органида белгиланган тартибда рўйхатга олинади.

15.2. Жамият уставига киритилган ўзгартишлар ва қўшимчалар ёки Жамиятнинг янги тахрирдаги устави учинчи шахслар учун улар давлат рўйхатидан ўтказилган пайдан бошлаб, қонунчиликда белгиланган ҳолларда эса давлат рўйхатидан ўтказувчи орган хабардор этилган пайдан эътиборан кучга киради.

15.3. Агар мазкур Уставни бирон бир қондаси ўз кучини йўқотган бўлса, бу қоида бошқа қоидаларни тўхтатиш учун сабаб бўлмайди.

15.4. Агар Ўзбекистон Республикасининг қонунчилик ҳужжатларида мазкур уставда назарда тутилганидан бошқача қоидалар белгиланган бўлса, Ўзбекистон Республикасининг амалдаги қонунчилик ҳужжатлари қоидалари қўлланилади.

15.5. Жамиятнинг ушбу Устави Давлат рўйхатидан ўтказилиши муносабати билан Ўзбекистон Республикаси Адлия Вазирлиги томонидан 2014 йил 25 июнда 663- сонли реестр рақами билан рўйхага олинган Жамият устави ва унга киритилган барча ўзгартириш ва қўшимчалар ўз кучини йўқотган деб ҳисобланади.

«ALFA - GROUP» AJ QK
Директори



Muinov N.G.

Муинов Насимитдин Тоғурович.

Ўзбекистон Республикаси «Нотариат тўғрисида қонуни»нинг 67 моддасига асосан, нотариус имзони ҳақиқийлигини шаҳодатлаганда, хужжатда баён қилинган фактларни шаҳодатламайди, фақат имзо муайян шахс томонидан қилинганлигини тасдиқлайди.

Ўзбекистон Республикаси, Тошкент шаҳри, Шайхонтохур тумани.
Икки минг ўн олтинчи йил бешинчи январь (чоршанба).

Мен, **Бондарева Ирина Алексеевна**, Ўзбекистон Республикаси, 100011, Тошкент шаҳри, Шайхонтохур тумани, Навоий кўчаси, 18-уйда жойлашган, Тошкент шаҳар Шайхонтохур тумани 10-сонли Давлат нотариал идорасининг Катта нотариуси, **Акциядорлик жамияти шаклидаги «ALFA GROUP» Ўзбекистон-Буюк Британия Қўшма Корхонасининг УСТАВИНИ (Янги Тахрир) Директор – Ўзбекистон Республикаси фукароси MUINOV NAJMITDIN GOFUROVICH (МУИНОВ НАЖМИТДИН ГОФУРОВИЧ)** менинг хузуримда кўйган имзосининг хақиқийлигини шаҳодатлайман.

Хужжатни имзолловчининг шахси аниқланди, ваколоти, муомалага лаёқатлилиги текширилди, яъни шахсий мулоқат давомида муомалага лаёқатлилиги шубҳа тугдирмайди, ушбу нотариал харакатни амалга ошириш даврида нотариал идорада уларнинг муомалага лаёқатсизлиги ҳақида ҳеч қандай маълумотлар йўқ.

Реестрга 1 – 21 рақам билан кайд этилди.

Давлат божи ундирилди:

– 13.024,00 (ўн уч минг йигирма тўрт) сўм

Қўшимча ҳуқуқий тусдаги харакатлар учун ундирилди.

лойиха – 3.907,20 (уч минг тўққиз юз етти сўм, йигирма тиши) сўм.

Катта нотариус

И.А.Бондарева



Irina Bondareva



Проставлено, пронумеровано и скреплено печатью
Нотариус
51 ЛИСТА
07.01.16 г.

Республика Узбекистан, Город Ташкент

И.А. Бондарева Ирина Алексеевна, нотариус государственной нотариальной конторы №10 Райхантахурского района города Ташкента, свидетельствую верность настоящей ксерокопии с оригиналом документа. В последнем подчисток, приписок, вкрапленных слов и иных неопределенных исправлений или иных-либо особенностей не имеется.

Зарегистрировано в реестре на № _____

Взякано государственной печатью _____ с/м

Нотариус **Бондарева И.А.**